



Ya'yejul te tsaltomba a'tel ta ja'wil 2026 swenta x'och stsak ya'telik a'tel patanetik ta Electoral Nacional yu'un Sistema INE.

Te Instituto Nacional Electoral (INE), ta stojol te Dirección Ejecutiva yu'un Servicio Profesional Electoral Nacional (DESPEN), ya yak' be sna' stojol te ants winiketik mach'a jich yo'tan sok te mach'atik yak ta a'tel tey ta Instituto ya sk'an xtoy ya'tel, ya x-och ta tsaltomba a'tel ta ja'wil 2026 swenta ya smak a'tel ta awilal yu'un Electoral Nacional (SPEN), jich te bit'il ak'bil ta na'el yu'un te Junta General Ejecutiva.

Te tsaltomba a'tel ja' swenta ya stsa te a'tel yu'un, ta slekil mantaletik sok banti lekuk ta jamal, mach'atik te ants winiketik jich yo'tan ya sk'anik te skoltayik te slumalik banti mayuk uts'inel, sok nix te ich'el ta muk' ta slumal México.

I. Bin Junetik ya xtun swenta stsak ya'telik

- Ants winik jnaklej yu'un slum México sok manchuk makbil te ich'el ta muk' yu'une.
- Ya sk'an ay ta sk'ab sok maba lajem yip te credencial.
- Ma stak' teme ay ochemat ta jun partido politico.
- Ma stak' teme ay najkanbil a biil ta swenta partido politico te k'aax oxeb ja'wil.
- Ma stak' teme ay a lejo amul.
- Ma stak' teme lejo amul ta INE.
- Ya sk'an chapal te junetik, juem nopjun sok ay sna'ojibal yu'un te bin a'tel ya sk'an xjil ta sba.
- Ya sk'an k'ax ta spisil te bi yich' jok'eyel tey ta junetik.
- Ya wak' ya ilel te pajk jun "8 de 8 contra la violencia" sok ts'iba te'a firma.

II. Yak'el ta na'el banti pajal te ich'el ta muk' ta ants winiketik.

Te staltomba a'tel 2026 la yich' pasel ya'yejul ta smantal te pajal ich'el ta muk, banti mayuk uts'inel sok ich'bil ta muk' te ants winiketik. Yu'un ja'me jich yich' a'iyel ya'yejul te mantal banti ya x'alot te maba staik uts'inel ta skaj swenta bats'il ants winike, mak winikwan mak antswan, me kaxlan mak jayeb ya'wilal mak bin ut'il skuxlejale ma'yuk sk'oplal. Ja'nix jich, ya yich' ta muk' te mach'a jich yo'tan skuy sba ta bats'il ants winik, sok xyal xmo skuxlejale ants winiketik, banti lekil a'tel yak spasik sok te ich'el ta muk'.



Te bit'il ya stak' x'och yil sok te bin ut'il nopbil sk'oplal te DESPEN ya me xu' yak' koltayel; te junetik yich' ilel ta ch'ajan tak'in mach'auk ya stak' yil, k'asesel sk'oplal te tsaltomba a'tel ta bat'il k'op; ay me mach'a ya stak' ya skoltayat stundesel te ch'ajan tak'in banti yich' mojetesal te junetik; ya yich' pasel ta lek te jun awilal swenta stak' x'och te mach'a ma'yuk ts'akal yok sk'ab; ya yich' pasel ta lek te awilal swenta lek ta ilel te bi ya stak' pasel; ay koltayel k'alal yich' jok'oyel snojpil sp'ijil te a'jol, jich bit'il te mach'a ya sna' sk'asesel k'opetik ta k'abil.

Mach'atik te ants winiketik te maba ts'akal yok sk'abik ya me stak' sk'anik yich' cha' pasel ya'yejul k'alal ya stsak sbiil jich nix ek ya stak' alan lajuneb k'aal yich' alel sk'oplal bit'il ay te a'tel pasbil, ja jich te bin ut'il jilem sk'opla-a . Janix jich, te j'atel yu'un te INE mach'a te ya skananta ya yak' jun yora tey ta ya'tel, ja'me ya yil te me spisil wan k'ot ta lok'el te ants winiketik sok te spasel jok'oyel snojpil sp'ijilik, swenta te yu'un jich ya schapan baik.

III. sjumukum pasbil te tsaltomba a'tel 2026

te tsaltomba a'tel ya yich' pasel baluneb ta kaj ta k'alal yich ak'el na'el stojol bi k'aal sok ajtal ya xlo'tal sk'oplal-a.

Yich' alel sk'oplal te tsaltomba a'tel:	ya yich' ak'el ta na'el te sjunil tsaltomba a'tel ta 26 yu'un marzo ja'wil 2026, ja'me ta yorail ya yich ilel ta www.ine.mx te bin junetik ya xtun tey ta tsaltomba a'tel. ya xljaj ta alel sk'oplal ta 12 yu'un abril ta ja'wil 2026.
Yich' tsakel biilil, bin a'tel sok yich ak'el ta na'el stojol mach'atik najkaj sbiil	Te yich' tsakel biilil sok te bin a'tel patan ya sk'an ja'me yich pasel ta Subsistema del concurso Publico (https://concurso-publico-spen.ine.mx) ya xliik ta alel sk'oplal-a ta 6 yu'un abril ya xljaj ta alel sk'oplal-a ta 12 yu'un abril ta ja'wil 2026. Ya yich' ak'el ta na'el stojol bin ora yich' jok'oyel snojpil sp'ijil te ajol ya xliik ta alel sk'oplal-a ta 25 yu'un abril ya xljaj ta 30 yu'un abril ta awilal yu'un Juntas Locales sok Distritales Ejecutivas.
Yich' jok'oyel snojpil sp'ijil te ajol:	Ya yich' pasel ta ajtal 16 yu'un mayo ta ja'wil 2026 ya yich' pasel ta k'alal ta ana, ya yich' pasel sjunil swenta ya a nop



	spasel te examen. Te mach'a ya sk'an te a'tel ya me sk'an ay internet sok te computadora te yich'o cámara sok micrófono, swenta jich lekuk xbajt ta pasel te a'tel.
Yich' ilel me ts'akal te junetik:	Ya xlijk ta ajtal 5 yu'un junio ya xla j ta ajtal 12 yu'un junio ta ja'wil 2026, te ants winiketk te mach'atik la sk'anik te a'tel patan ya me smojtesik ta Subsistema yu'un Concurso Público te junetik.
Yich'pasel te jok'eyel ta swenta sna'el te bin ut'il ya x'a'tejat sok binti snojpil awu'un.	Ya yich' pasel ta ajtal 27 yu'un junio ta ja'wil 2026 ta snail yu'un Juntas Locales Ejecutivas.
Yich' jok'oyel snojpil sp'ijil sok kuxlejal	Ya yich' pasel ta ajtal 8 yu'un julio ta ja'wil 2026 ja' ya spasik te ants winiketk mach'a yok sk'ab INE.
yich' ak'el ta na'el stojol te ja'yeb lok' te ajtal	Te ajtal jayeb lo'k pajal ya yich' ak'el ta na'el stojol sok te la yich' jok'oyel snojpil sp'ijil te ajol. Te yich' jok'oyel te bin u'til ya x'a'tejat sok bin ut'il a kuxlejal. Te bixi lok' ta sba ya yich' ak'el ta na'el stojol ta chebal semana yu'un agosto.
yich' ak'el ta na'el stojol mach'a te ju' yu'une:	Te mach'a te ju' yu'une ya yich' a'yel stojol ya slajebal semana yu'un sptiembre ta ja'wil 2026.
yak' ta ilel te mach'atik te ju' yu'une:	Ya yak' ta na'el stojol ja'nax ya xk'ak jo'lajuneb k'aal k'alal yich' alel te a'tel. Te jujun awilal swenta a'tel patan ya yich' pasel cha' chol ts'ibubil biilil: jun swenta antsetik yan xan swenta winiketk jich ay be yip waxaklajuneb u.



1. Slajebal te jun ts'ibubil

Tulan sk'oplal-a yich' alel, ja' te bi a'telil yich' k'anel, te jok'oyel snojpil sp'ijil te ajol ya xjalaj oxeb ora sok 30 minutos janix jich ta stak' xjalaj joeb ora, ja'te bit'il ya xlok' te ajtal te yich' jok'oyel te snojpil p'ijil te ajol. ajtal te jayeb a'lok' jich ya yich ak'el ta ilel ta cero jich k'alal ta lajuneb numero, ts'akal te numeroetik. Te jayeb te ajtal ya stak' xjelaw te mach'a ya sk'an a'tel patan ja'me ya yak' ta na'el tey ta ts'ibubil ta sjunil tsaltomba a'tel ta swenta bi awilal a'tel patan.

Te ajtal te jayeb ya xlok' swenta ya tak' a'tsak a'tel patan ja'me te ts'akal 7.00 jich ya yich' lek alel sk'oplal:

- Jok'oyel snojpil sp'ijil ajol: 60%
- Jok'oyel snojpil awu'un: 10%
- Jok'oyel te snojpil sp'ijil: 30%

IV. Sk'oplal ts'ibubil swenta a'tel

Te yich' ak'el te awilal swenta a'tel jame jich ya yich' ak'el te bin a'tel patan ya staik:

1. Vocalías Ejecutivas yu'un Juntas Locales Ejecutivas:

- Cheb ya yich' pasel sk'oplal k'alal yich' ak'el te a'tel. sbabil, chaneb awilal swenta antsetik jich ya yich' ak'el te a'tel ja'te bin ut'il lok' ajtal yu'une. Ta patil xan, te oxeb xjil awilal swenta a'tel ja'me yich' ak'el te mach'a toyem ajtal lok' yu'une, ja'me yich' ilel te mach'a lok' lek ta sba yu'un te Concurso Público.

2. Skumukun a'teliletik yu'un Vocalía Ejecutiva yu'un Junta Local Ejecutiva:

- **A'tel janax swenta antsetik:** 101 awilal swenta a'tel, ja'me jich ya yich' ak'el te a'tel ja'te bin ut'il la stsak sbiilike, ja' te bit'il te ochem te biilil sok te bin a'tel la sk'anik.
- **pajal x'och ta a'tel te ants winiketik:** 93 awilal swenta a'tel, ja'me ya yich' ak'el te a'tel k'alal pajal ta tul ants sok winiketik. Te a'tel ya yich' ak'el ja' ya xlijk ta stojol te antsetik tul ants tul winik, jich me ya xbajt ta pasel.



- **Yalel moel sk'oplal te ya'telik ants winiketik:** 101 awilal swenta a'tel, te 70% te awilal swenta a'tel ja' k'ejbil swenta antsetik jich te 30% ja' ya yich' ak'el te mach'a toyem ajtal lok' yu'une. Ya yich' pasel cha' chol biilil, sbabil ya yich' ak'el te a'tel te k'ejbil swenta antsetik jich, ta patil, ya yich' ak'el te a'tel ja'te bin ut'il lok' ajtal yu'une.
- **Toyem lo'k te ajtal ta slajebal:** 31 awilal swenta a'tel, ja into te a'tel ya yich' lek -alel sk'oplal te maba ya stak'yich' pukel ta jich nax, ja'nix jich ya yich' pasel ek te a'tel yu'un te antsetik, jich into, ja' ya yich' ak'el te a'tel te mach'a toyem lo'k ajtal yu'une, yu'un jich ya yich' ta muk' te bin ut'il pasbil te a'tel.
- **Yan sk'oplal-a te mach'a bats'il ants winik ts'ibawej ta bats'il k'op:** te ya'tel ja' ya sk'an yak' ta na'el te awilal a'tel ta Juntas Distritales Ejecutivas ta distritos Ya sk'an te bats'il ants winiketik ya stsakik te a'tel te mach'a ya sna' lek te bats'il k'op tey ta awilal, jich xtoy te ich'el ta muk' te stalel kuxlejal te jujun lumale sok te yalel moel te talel kuxlejal ta muk'ul jlumaltik. Ja'into te pasbil a'iyey ya yich' ich'el ta muk' ta sbabial; ja'nax me jich yich' pasel k'alal ma'yuk mach'a jich sp'ijil te mach'a slee a'tel patan jich ya yich' pasel ek te bit'il ts'ibubil tey ta tsaltomba a'tel.

Ta www.ine.mx ja'me tey ya yich' alel sk'oplal sok ak'el ta na'el stojol spisil te Concurso Público, jich' ta stulutul ya yich' alel sk'oplal te a'iyeketik ja'me ta concurso-ine.spen@ine.mx jich te bi yipal xjalaj te sk'oplal te a'tel ay ants winiketik te mach'a ya stak' skoltayat ja'me ta INETEL, ta ch'ajan tak'in 800 433 2000, ya yaibet a'k'op ta k'aal lunes ya xlalaj ta viernes, ya xlijk ta baluneb ora ta a'tel ja'to ya xlalaj ta wakeb ora ta mal k'aal.